



香詩品齋



服部文庫
イ 17
2063
1





2063
1

南郭先生考訂



唐詩品彙

五言

絕句

江都書肆

嵩山房梓行

五言絕句敘目卷八
第一卷

正始

玄宗皇帝一 賀知章一 楊重玄一

許敬宗一 虞世南一 王績二

李義府二 楊師道一 王勃十一

楊炯一 盧照隣三 駱賓王四

陳子昂二 沈佺期一 宋之問三



東方虬 二 王適 一 韋承慶 三

李嶠 二 郭振 二 薛稷 一

鄭愔 一 盧僎 三 武平 一

崔湜 一 蘇頲 三 張說 三

張九齡 四 孫逖 一

五言絕句作自古也漢魏樂府古辭則有白頭吟出塞曲桃葉歌歡問歌長干曲團扇即等篇下及六

代述作漸繁唐初工之者衆王楊盧駱尤多宋之間韋承慶之流相與繼出可謂盛矣通得二十九人共詩六十三首列為正始

第二卷

正宗

李白 二十 王維 五 崔國輔 一

孟浩然 九

開元後獨李白王維尤勝諸人次
則崔國輔孟浩然可以並駕共詩
六十八首為正宗

第三卷

羽翼

儲光羲^十 王昌齡^八 裴迪^九

杜甫^八 崔顥^三 高適^四

岑參^四 王之渙^二 祖咏^一

李適之^一 李頎^一 沈如筠^一

崔署^一 王縉^一 丘為^一

沈千運^一 蕭穎士^二 元結^三

右十八人皆盛唐作者若儲光羲
王昌齡裴迪崔顥高適岑參等數
篇詞簡而意味尤長與前數公實
相羽翼故盡天寶諸賢共詩六十
一首為一卷

第四卷

接武上

劉長卿八錢起一三十韋應物三十

皇甫冉九

第五卷

接武中

皇甫曾二劉方平二朱放二

李嘉祐二張起一郎士元一

第六卷

韓翃二耿湜三盧綸七

李端六司空曙六張繼一

顧況一丘丹二戎昱一

暢當三李益六戴叔倫六

柳談二劉商二雍裕之一

楊衡一張仲素三令狐楚九

于鵠一

接武下

韓愈	七	柳宗元	六	劉禹錫	八
權德輿	七	張籍	七	王建	四
武元衡	三	元稹	三	白居易	四
王涯	四	李德裕	二	李賀	二
呂溫	二	盧仝	二	孟郊	六
賈島	二	裴度	一	張碧	一
張祐	七	施肩吾	二		

文宗皇帝一

中唐雖聲律稍變而作者接跡之盛尤過於天寶諸賢今分為三卷以劉長卿錢起韋應物皇甫冉共詩七十一首為上卷又自皇甫曾以至大曆貞元諸賢得二十五人共詩七十三首為中卷又自韓愈以盡乎元和諸賢通得二十一人

共詩八十一首為下卷

第七卷

餘響

李商隱^四 杜牧^二 許渾^三

溫庭筠^三 馬戴^二 雍陶^一

陳陶^一 項斯^一 于武陵^三

李群玉^二 劉駕^一 聶夷中^一

儲嗣宗^二 于濆^一 陸龜蒙^三

唐彥謙^一 羅鄴^一 崔魯^一

司空圖^四 崔道融^七 韓偓^三

武瓘^一 曹鄴^一 薛瑩^一

元和以後不可多得故自李義山而下至唐末通得二十四人共詩五十首為餘響

第八卷

傍流

有姓氏無字里世次可考者五人

荆叔 一 李牧 一 張元宗 一

潘佐 一 張顛 一

無姓氏三人

樂府 五 西鄙人 一

太上隱者 一

羽士 一人

吳筠 二

二五二

衲子五人

皎然 四 靈徹 一 貫休 一

脩睦 一 子蘭 一

宮闈八人

韓氏 一 七歲女子 湘驛女子

侯夫人 一 卽大家 一 劉采春 五

崔氏女 一 薛濤 一

右二十二 人共詩三十四首為傍

流

六言附

李景伯 一 張說 一 王維 五

劉長卿 四 張繼 一 皇甫冉 三

韓翃 三 盧綸 一 顧況 一

王建 二 劉禹錫 一 周賀 一

六言始自漢司農谷永魏晉間曹陸間出至唐初李景伯有回波樂

府亦効此體逮開元大曆間王維劉長卿諸人相與繼述而篇什稍屢見然亦不過詩人賦咏之餘矣今以唐世始終通得十二人共詩二十四首附於五言絕句之後以備一體

五言絕句敘目終

五言絕句卷之一

唐詩品彙

--	--	--	--	--	--	--	--	--	--	--	--	--	--	--

五言絕句卷之一 唐詩品彙三十八

新寧 高棟 編次

正始

玄宗皇帝

潼關口

河曲回千里關門限二京所嗟非特

德設險到天平

賀知章

品彙五絕卷之一 嵩山房

題袁氏別業

主人不相識偶坐為林泉莫謾愁沽酒囊中自有錢

楊重玄

正朝上左丞相張燕公

還一作來歲去愁終在春還命不來長吁問丞相東閣幾時開

許敬宗

江令於長安歸揚州九日賦

心逐南雲逝身隨北鴈來故鄉籬下菊今日幾花開

虞世南

蟬

垂緜飲清露流響出疎桐居高聲自遠非是藉秋風

王績

過酒家二首

洛陽無大宅長安乏主人黃金銷未
盡祇為酒家貧
此日長昏飲非關養性靈眼看人盡
醉何忍獨為醒

李義府

詠烏唐書云義府初召見太宗
令詠烏詩成帝覽笑曰我
當全林
借汝

日裏颺朝彩琴中伴夜啼上林多少
樹不借一枝棲

賦美人

鏤月成歌扇裁雲作舞衣自憐回雪
影好取洛川歸

楊師道

中書寓直詠雨按文苑英華有
全篇此特其首
四句誤
入絕句

雲暗蒼龍闕沈沈殊未開窗臨鳳凰

沼颯颯雨聲來僧皎然云靜也

王勃

江亭月夜送別二首

江送巴南水山橫塞北雲津亭秋夜

月誰見泣離羣

亂烟籠碧砌飛月向南端寂寂離亭

掩江山此夜寒

臨江二首

泛泛東流水飛飛北上塵歸驂將別

棹俱是倦遊人

去驂嘶別路歸棹隱寒洲江臯木葉

下應想故城秋

山中

長江悲已滯萬里念將歸況屬高風

晚山山黃葉飛

贈李十四

亂竹開三徑，飛花滿四鄰。從來楊子宅，別有尚玄人。

始平曉息

觀闕長安近，江山蜀路賒。客行朝復夕，無處是鄉家。

普安建陰題壁

江漢深無極，梁岷不可攀。山川雲霧

裏遊子幾時還。

他鄉敘興

綴葉歸烟晚，乘花落照春。邊城琴酒處，俱是越鄉人。

寒夜思友二首

雲間征思斷，月下歸愁切。鴻鴈西南飛，如何故人別。

鴻一作鳴

朝朝翠山下，夜夜蒼江曲。復此遙相

思清樽湛芳綠

楊炯

夜送趙縱

趙氏連城壁由來天下傳送君還舊府明月滿前川

盧照鄰

登玉清

絕頂橫臨日孤峯半向天徘徊拜真

老萬里見風烟

曲池荷

浮香繞曲岸圓影覆華池常恐秋風早飄零君不知

浴浪鳥

獨舞依盤石羣飛動輕浪奮迅碧沙前長懷白雲上

駱賓王

在軍登城樓

城上風威冷江中水氣寒
戎衣何日定歌舞入長安

易水送別

此地別燕丹壯士髮衝冠
昔時人已沒今日水猶寒

送別

寒更承夜永涼夕向秋澄
離心何以

贈自有玉壺水

玩初月

忌滿光恒缺乘昏影暫流
自能明似鏡何用曲如鈎

陳子昂

古意

題著作
令壁

白雲蒼梧來氛氳萬里色
聞君太平代棲泊靈臺側

贈喬侍御

漢庭榮巧宦，雲閣薄邊功。可憐驄馬使，白首為誰雄。

沈佺期

獄中燕

本集作同獄者嘆獄中無燕乃五言律詩

拾蕊嫌叢棘，銜泥怯死灰。不如黃雀語，能雪冶長猜。

宋之問

早發韶州

按本集乃五言排律

綠樹秦京道，青雲洛水橋。故園長在自，魂去不須招。

別杜審言

按本集乃五言律詩

卧病人事絕，嗟君萬里行。河橋不相送，江樹遠含情。

渡漢江

嶺外音書斷，經冬復歷春。近鄉情更切，

怯不敢問來人

東方虬

昭君怨二首

漢道方全盛朝廷足武臣何須薄命

妾辛苦事和親

揜淚辭丹鳳銜悲向白龍單于浪驚

喜無復舊時容

王適

江濱梅

忽見寒梅樹開花漢水濱不知春色

早疑是弄珠人

韋承慶

南行別弟二首

澹澹長江水悠悠遠客情落花相與

恨到地一無聲

又

英華作南
中詠鴈詩

萬里人南去三春鴈北飛不知何歲
月得與爾同歸

江樓

獨酌芳春酒登樓已半曛誰驚一行
鴈衝斷過江雲

李嶠

中秋月二首

盈缺青冥外東風萬古吹何人種丹

桂不長出輪枝

圓魄上寒空皆言四海同安知千里
外不有雨兼風

郭振

子夜春歌二首

陌頭楊柳枝已被春風吹妾心正斷
絕君懷那得知

青樓含日光綠池起風色贈子同心

品彙五經卷之一
花慙勤此何極

薛稷

秋朝覽鏡

客心驚落木
夜坐聽秋風
朝日看容鬢
生涯在鏡中

鄭愔

詠黃鶯兒

欲囀聲猶澁
將飛羽未調
高風不借

便何處得遷喬

盧僎

題殿前桂葉

桂樹生南海
芳香隔遠山
今朝天上見
疑是月中攀

南樓望

去國三巴遠
登樓萬里春
傷心江上客
不是故鄉人

途中口號郭英華詩

抱玉三朝楚懷書上上秦年年洛陽

陌花鳥弄歸人程秦

武平一

奉和元日賜群臣栢葉

綠葉迎春綠寒枝歷歲寒願持栢葉
壽長奉萬年歡

崔湜

喜入長安

雲日能催曉風光不借年
賴逢征路盡歸在落花前

蘇頲

山鵲詞二首

玉關征戍久空閨人獨愁
寒露濕青苔別來蓬髮秋

人坐青樓晚鶯語
百花時愁多人自

老腸斷君不知

汾上驚秋

北風吹白雲萬里渡河汾心緒逢搖
落秋聲不可聞

張說

蜀道後期

客心爭日月來往預期程秋風不相
待先到洛陽城

廣州江中作

去國年方晏愁心獨不堪離人共江
水終日向西南

守歲

故歲今宵盡新年明旦來愁心隨斗
柄東北望春回

張九齡

自君之出矣

自君之出矣不復理殘機思君如滿
月夜夜減清輝

照鏡見白髮

宿昔青雲志蹉跎白髮年誰知明鏡
裏形影自相憐

奉和聖製經函關作

函谷雖云險黃河復已清聖心無所
隔空此置關城

荅蘄博士

上苑春先入中園花盡開唯餘幽徑
草尚待日光催

孫逖

同洛陽李少府觀永樂公主入
蕃

邊地鶯花少年來未覺新美人天上
落龍塞始應春

五言絕句卷之一
唐詩品彙
八
十

五言絕句卷之一
唐詩品彙
八
十

五言絕句卷之二
唐詩品彙
九
十

新寧 高棟 編次

正宗

李白

靜夜思

牀前看月光疑是地上霜舉頭望山

月低頭思故鄉劉須溪云自是古意不須言笑

相逢行

五言絕句卷之二

相逢紅塵內高揖黃金鞭萬戶垂楊裏君家阿那邊

襄陽曲

且醉習家池莫看墮淚碑山公欲上馬笑殺襄陽兒

綠水曲

綠水明秋月南湖採白蘋荷花嬌欲語愁殺蕩舟人

玉階怨

玉階生白露夜久侵羅襪却下水精簾玲瓏望秋月劉云矜前作蕭士斌云

此篇無一字言怨而隱然幽怨之意見於言外

怨情

美人捲珠簾深坐嚙蛾眉但見淚痕濕不知心恨誰

秋浦歌

品彙五絕

白髮三千丈緣愁似箇長不知明鏡裏何處得秋霜

劉云後聯活澆脫

觀放白鷹

八月邊風高胡鷹白錦毛孤飛一片雪百里見秋毫

初出金門尋王侍御不遇咏壁

上鸚鵡

落羽辭金殿孤鳴咤綉衣能言終見

棄還向隴西飛

憶東山

不向東山久薔薇幾度花白雲還自散明月落誰家

獨坐敬亭山

衆鳥高飛盡孤雲獨去閒相看兩不厭只有敬亭山

自遣

五言古詩

三

暝

對酒不覺暝落花盈我衣醉起步溪
月鳥還人亦稀

奔亡道中作

蘇武天山_上田橫海島_邊萬重關塞
斷何日是歸年

杜陵

南登杜陵_上北望五陵間秋水明落
日流光滅遠山

夏日山中

懶搖白羽扇裸體青林中脫巾掛石
壁露頂灑松風劉云後人以此語入畫
真復可愛妙是結句

九日龍山飲

九日龍山飲黃花笑逐臣醉看風落
帽舞愛月留人劉云同是棹歌
此典童謠等爾

陪侍郎叔遊洞庭醉後作二首

船上齊橈樂湖心泛月歸白鷗聞不

品彙五續卷之三
去爭拂酒筵飛

剗却君山好平鋪湘水流巴陵無限
酒醉殺洞庭秋

送陸判官往琵琶峽

水國秋風夜殊非遠別時長安如夢
裏何日是歸期

別東林寺僧

東林送客處月出白猿啼笑別廬山

遠何煩過虎溪

見京兆韋參軍量移東陽

潮水還歸海流人却到吳相逢問愁
苦淚盡日南珠

青溪半夜聞笛

羌笛梅花引吳溪隴水清寒山秋浦
月腸斷玉關情

對雪獻從兄虞城宰

品彙五續卷之三

五

昨夜梁園雪第寒，
不知庭前看玉樹。
腸斷憶連枝，
劉云：藹然惻然，可以感動。

王維

臨高臺

送黎拾遺

相送臨高臺，
川原杳何極。
日暮飛鳥還，
行人去不息。

息夫人

莫以今時寵，
能忘舊日恩。
看花滿眼

淚不共楚王

言

劉云：正爾上憔悴得人

班婕妤二首

宮殿生秋草，
君王恩幸疎。
那堪聞鳳吹，
門外度金輿。

恹來粧閣閉，
朝下不相迎。
總向春園裏，
花間笑語聲。

劉云：語皆不刻而近

雜詩三首

家住孟津河，
門對孟津口。
常有江南

船寄書家中否

君自故鄉來應知故鄉事來日綺窗
前寒梅着花未

已見寒梅發復聞啼鳥聲愁心視春
草畏向玉階生

送別

山中相送罷日暮掩柴扉春草年年
綠王孫歸不歸

劉云古今斷腸理不在多

別輞川

依遲動車馬惆悵出松蘿忍別青山
去其如綠水何

別

崔九弟欲往南山馬上口號與
城隅一分手幾日還相見山中有桂
花莫待花如霰

雷別崔興宗

駐馬欲分襟清寒御溝上前山景氣
佳獨往還惆悵

山中寄諸弟妹

山中多法侶禪誦自為羣城郭遙相
望唯應見白雲

贈弟穆十八

與君青眼客共有白雲心不向東山
去日令春草深劉云淡

哭孟浩然

時為殿中侍御史知南選至襄陽有作

故人不可見漢水日東流借問襄陽

老江山空蔡州

鳥鳴澗

係雲溪雜咏

人間桂花落夜靜春山空月出驚山

鳥時鳴春澗中劉云皆非着意

上平田

朝畊上平田暮畊上平田借問問津

畊古字書曰畊為耕丹鈔總錄曰非也畊上声園六曲論府兵之制云居無事時畊於耕以此證之可見畊耕音義有別

者寧知沮溺賢劉云語

孟城坳係輞川

新家孟城口古木餘衰柳來者復為

誰空悲昔人有劉云復欲二語如此

華子岡

飛鳥去不窮連山復秋色上下華子

岡惆悵情何極劉云蕭然

鹿柴去聲

註情
作畫

空山不見人但聞人語響返景入深

林復照青苔上劉云無言

南垞茶音

輕舟南垞去北垞淼難即隔浦望人

家遙遙不相識

歙湖

吹簫凌極浦日暮送夫君湖上一回

首山青卷白雲

錦囊五絕卷之三

白石灘

清淺白石灘綠蒲尚堪把家住水東
西浣紗明月下

竹里館

獨坐幽篁裏彈琴復長嘯深林人不
知明月來相照

辛夷塢

木末芙蓉花山中發紅萼澗戶寂無

人紛紛開且落劉云其意不欲著一字漸可語禪

漆園

古人非傲吏自闕經世務偶寄一微

官婆娑數枝樹朱子語錄云摩詰輞川此詩余深愛之每

以語人輒無解余意者○劉云便在謝東山輩口語皆成高韻

崔國輔

怨辭二首

妾有羅衣裳秦王在時作為舞春風

鳴安古切鳥上声小隊也山阿也田里壁也一曰三屏城正訛作鳴水

堉音茶五名

品類五經卷之三
多秋來不堪著
樓頭桃李疎池上芙蓉落織錦猶未
成蟲聲入羅幙

古意

淨掃黃金塔飛霜皎如雪下簾彈箏
箏不忍見秋月

魏宮詞

朝日照紅粧擬上銅雀臺畫眉猶未

了魏帝使人催

長信草

長信官中草年年愁處生時侵珠履
跡不使玉階行

少年行

遺却珊瑚鞭白馬驕不行章臺折楊
柳春日路傍情

湖南曲

湖南送君去，湖北送君歸。湖裏鴛鴦鳥，雙雙他自飛。

流水曲

歸來日尚早，更欲向芳洲。渡口水流急，回船不自由。

王孫遊

楚辭招隱士曰：王孫遊兮不歸，春草生兮萋萋。

王孫遊出於此蓋

自與王孫別，頻看黃鳥飛。應由春草

誤著處，不成歸。

採蓮

淑一作樹

玉淑花爭發，金塘水亂流。相逢畏相失，並著採蓮舟。

渭水西別李崙

右一作外

隴右長亭埃，山深古塞秋。不知嗚咽水，何事向西流。

孟浩然

宿建德江

移舟泊烟渚日暮客愁新野曠天低
樹江清月近人

送朱大入秦

遊人五陵去寶劍直千金分手脫相
贈平生一片心

送友之京

君登青雲去余望青山歸雲山從此

別淚濕薜蘿衣

甚

劉云甚不多語神情
惘然比之蘇州特怨

同儲十二洛陽道中作

珠彈繁華子金羈遊俠人酒酣白日
暮走馬入紅塵

下浙江

八月觀濤罷三江越海潯回瞻魏闕
路無限子牟心

春曉

春眠不覺曉處處聞啼鳥夜來風雨聲花落知多少

劉云風流閑正不在多

楊子津望京口

北固臨京口夷山近海濱江風白浪起愁殺渡頭人

洛陽訪袁拾遺不遇

洛陽訪才子江嶺作流人聞說梅花

早何如此地春劉云便不著字亦自深然

尋菊花潭主人

行至菊花潭村西日已斜主人登高去鷄犬空在家

唐詩品彙

卷之三

--	--	--	--	--	--	--	--	--	--

五言絕句卷之二

唐詩品彙

九十

五言絕句卷之三 唐詩品彙四十

新寧 高棟 編次

羽翼

儲光羲

洛陽道四首 獻中 四

洛水春冰開洛城春樹綠朝看大道

上落花亂馬足

大道直如髮春日佳氣多五陵貴公

品彙

卷之三

瞑疑暝

子雙雙鳴玉珂

春風二月時道傍柳堪把上枝覆官閣下枝拂車馬

洛水照千門千門碧空裏少年不得志走馬遊新市

長安道二首

西行一千里暝色生寒樹暗聞歌吹聲知是長安路

鳴鞭過酒肆袷服遊倡門百萬一時盡含情無片言

江南曲二首

綠江深見底高浪直翻空慣是湖邊住舟輕不畏風

日暮長江裏相邀歸渡頭落花如有意來去逐船流

關山月

一鴈過連營，繁霜覆古城。胡笳在何處，半夜起邊聲。

玉真公主山居

山北天泉苑，山西鳳女家。不言沁園好，獨隱武陵花。

王昌齡

題灞池

腰鎌欲何之，東園刈秋韭。世事不復

論悲歌，和樵叟。

送李十五

怨別秦楚深，江中秋雲起。天長杳無隔，月影在寒水。

送張四

楓林已愁暮，楚水復堪悲。別後冷山月，清猿無斷時。

送郭司倉

品彙五絕卷之三

映門淮水綠，畱騎主人心。明月隨良
椽，春潮夜夜深。

送胡大

荆門不堪別，況乃瀟湘秋。何處遙望
君，江邊明月樓。

答武陵田太守

仗劍行千里，微軀敢一言。曾為大梁
客，不負信陵恩。

題僧房

棕櫚花滿院，苔蘚入閒房。彼此名言
絕，空中聞異香。

擊磬老人

雙峯褐衣久，一磬白眉長。誰識野人
意，徒看春草芳。

裴迪

孟城坳

遊王維輞川
別業同賦

結廬古城下時登古城上古城非疇昔今人自來往劉云未為不佳與維相去遠甚

鹿柴去聲

日夕見寒山便為獨往客不知松林事但有麋鹿跡

木蘭柴

蒼蒼落日時鳥聲亂溪水綠溪路轉深幽興何時已

宮槐陌

門前宮槐陌是向歌湖道秋來風雨多落葉無人掃

臨湖亭

當軒彌滉漾孤月正徘徊谷口猿聲發風傳入戶來

南坨

孤舟信風泊南坨湖水岸落日下崦

崑山五經卷之三
五
崑清波殊淼漫

樂家瀨

瀨聲喧極浦
公涉向南津
泛泛鳧鷖
渡時時欲近久

白石灘

跂石復臨水
弄波情未極
日下川上
寒浮雲澹無色

竹里館

來過竹里館
日與道相親
出入惟山
鳥幽深無世人

杜甫

武侯廟

遺廟丹青落
空山草木長
猶聞辭後
主不復卧南陽
劉云語絕又云上句
想望其風采猶在也

八陣圖

其已死傷

功蓋三分國名成八陣圖江流石不轉遺恨失吞吳

復愁

萬國尚戎馬故園今若何昔歸相識少早已戰場多江天多云先言今而後言昔無限憂疑之意

意○劉云今又可知

歸鴈

東來萬里客亂定幾年歸腸斷江城

鴈高高正北飛

荅鄭十七郎一絕

雨後過畦潤花殘步屨遲把文驚小陸好客見當時

絕句三首

江碧鳥逾白山青花欲燃今春看又過何日是歸年

江邊踏青罷迴首見旌旗風起春城

暮高樓鼓角悲
江動月移石溪虛雲傍花鳥棲知故
道帆過宿誰家

崔顥

長干行二首

君家住何處妾住在橫塘停船暫借
問或恐是同鄉
家臨九江水來去九江側同是長干

人生小不相識劉云只寫相問語其情自見

江南曲

下渚多風浪蓮船漸覺稀那能不相
待獨自逆潮歸劉云其詩皆不用思致而流麗暢清固宜

太白之所愛敬

高適

詠史

尚有綈袍贈應憐范叔寒不知天下

士猶作布衣看

送兵到薊北

積雪與天迥屯軍連塞愁誰知此行
邁不為覓封侯

田家春望

出門無所見春色滿平蕪可嘆無知
已高陽一酒徒

同羣公題張處士菜園

畊地桑柘間地肥菜常熟為問葵藿
資何如廟堂肉古詩曰觀物有感則有與義蓋與近
乎訓高適此詩則近乎訓矣
作者知與訓之異始可言詩
岑參

行軍九日思長安故園時未復

強欲登高去無人送酒來遙憐故園
菊應傍戰場開方虛谷云悲感

題平陽郡汾橋邊柺樹參曾居此郡八

年九

此地曾居住今年宛似歸可憐汾上
柳相見也依依

見渭水思秦川

渭水東流去何時到雍州憑添兩行
淚寄向故園流

題三會寺倉頡造字臺

野寺荒臺晚寒天古木悲空階有鳥

跡猶似造書時

王之渙

登鸛雀樓

雀一作鸛

白日依山盡黃河入海流欲窮千里

目更上一層樓迂叟詩話云唐之中

湮沒不傳於世者甚衆如河中府
鸛雀樓有王之渙暢當二詩皆當
以詩名者豈能及之哉

送別

品彙五絕卷之三
楊柳東風樹青青
夾御河近來攀折
苦應為別離多キカ

祖詠

終南望餘雪

終南陰嶺秀積雪
浮雲端林表明霽
色城中增暮寒ラ

李適之

罷相作

避賢初罷相樂聖且銜杯
為問門前客今朝幾箇來ルト

李頎

奉送五叔入京兼寄綦母三

陰雲帶殘日悵別此何時
欲望黃山道無由見所思ラ

沈如筠

閨怨

寫作

寫盡書難寄，愁多夢不成。願隨孤月影，流照伏波營。

崔署

對雨送人

別愁復兼雨，別淚還如霰。寄心海上雲，千里長相見。

王縉

別輞川別業

山月曉仍在，林風涼不絕。慙慙如有情，惆悵令人別。劉云清酒頓

丘為

左掖梨花

冷艷全欺雪，餘香乍入衣。春風且莫定，吹向玉階飛。

沈千運

古歌

古詩卷之五

品彙五絕卷之三
北邙不種田，但種松與栢。松栢未生處，雷待市朝客。

蕭穎士

九日陪元魯山登北城雷別二首

綿連滄川迥，杳渺鴉路深。彭澤興不淺，臨風動歸心。
漸聞驚棲羽，坐嘆清夜月。中歡愴有

遠行子念明發

元結

將牛何處去

將牛何處去，畊破故城東。相伴有田父，相歡唯牧童。

石宮夏詠

石宮夏水寒，寒水宜高林。遠風吹蘿蔓，野客廕清陰。

品彙五絕卷之三

十一 嵩山房

石宮冬詠

石宮冬日暖暖日宜溫泉晨光靜水
霧逸者猶安眠

五言絕句卷之三 唐詩品彙四十

五言絕句卷之四 唐詩品彙四十

新寧 高棟 編次

接武上

劉長卿

平蕃曲二首

渺渺戍烟孤茫茫塞草枯隴頭那用
閉萬里不防胡

絕漠大軍還平沙獨戍閒空雷一片

石萬古在燕山

湘妃怨

帝子不可見秋風來莫思嬋娟江上
月千載空蛾眉

春草宮懷古

君王不可見芳草舊宮春猶帶羅裙
色青青向楚人

斑竹

蒼梧千載後斑竹對湘沅欲識湘妃
怨枝枝滿淚痕

逢雪宿芙蓉山

日暮蒼山遠天寒白屋貧柴門聞犬
吠風雪夜歸人

送張起崔載華之閩中

朝無寒士迹家在舊山貧相送天涯
裏憐君更遠人

送張十八歸桐廬

歸人乘野艇，帶月過江村。
正落寒潮水，相隨夜到門。

送方外上人

孤雲將野鶴，豈向人間住。
莫買沃州山，時人已知處。

送靈徹上人

蒼蒼竹林寺，杳杳鐘聲晚。
荷笠帶斜

陽青山獨歸遠

瓜州送李端公

片帆何處去，匹馬獨歸遲。
惆悵江南北，青山欲暮時。

送子婿往揚州

鴈還空渚在人去，落潮翻
臨水獨回首。殘陽歸掩門。

寄龍山道士許法陵

品彙五經卷之四
悠悠白雲裏獨住青山客林下晝焚香桂花同寂寂

茱萸灣北峇崔載華問

荒涼野店絕迢迢
人烟遠蒼蒼古木中多是隋家苑

贈秦系徵君

秦系頃以家事獲謗因出舊山每荷

觀察崔公見知欲歸未遂感其流寓詩以贈之

初迷武陵路復出孟嘗門回首江南

岸青山與舊恩

又贈秦系

羣公誰讓位五柳獨知貧惆悵青山路烟霞老此人

江中對月

空洲夕烟斂對月秋江裏歷歷沙上人月中孤渡水

正朝覽鏡

品第五絕卷之四
四
憔悴逢新歲，芳菲見舊春。朝來明鏡裏，不忍白頭人。

錢起

逢俠者

燕趙悲歌士，相逢劇孟家。寸心言不盡，前路日將斜。

赴章陵酬李卿贈別

一官叨下秩，九棘謝知音。芳草文園

路春愁滿別心

送楊著作歸東海

楊柳出關色，東行千里期。酒酣暫輕別，路遠始相思。

過故李侍御宅

不見承明客，愁聞長樂鐘。馬卿何早世，漢王欲登封。

宿洞口館

一作耿
漳詩

野竹通溪冷，秋泉入戶鳴。
亂來人不
到寒草上階生。

題崔逸人山亭

藥徑深紅蘚，山窗滿翠微。
羨君花下醉蝴蝶，夢中飛。

石井

已下五首係藍溪雜詠

片霞照仙井，泉底桃花紅。
那知幽石下，不與武陵通。

古藤

引蔓出雲樹，垂綸覆巢鶴。
幽人對酒時，苔上閒花落。

洞仙謠

幾轉到青山，數重度流水。
秦人入雲去，知向桃源裏。

竹間路

暗歸草堂靜，半入花源去。
有時載酒

來不與清風遇

遠山鐘

風送出山鐘，雲霞度水淺。欲知聲盡處，鳥滅寥天遠。

江行無題

元一百首今錄二十首

傾酒向漣漪，乘流欲去時。寸心同尺璧，投此報馮夷。

江曲全縈楚，雲飛半自秦。峴山回首

望如別故鄉人

行背青山郭，吟當白露秋。風流無屈

宋空咏古荆州

去指龍沙路，徒懸象闕心。夜涼無遠

夢不為偶聞砧

醫務日多喬木維，舟取束薪靜聽江叟

語俱是厭兵人

牽路沿江狹，沙崩岸不平。盡知行處

險誰肯載時輕

憔悴異靈均非讒作逐臣如逢漁父

問未是獨醒人

月下江流靜村荒人語稀鷺鴛雖有

伴仍共影雙飛

斗轉月未落舟行夜已深有村知不

遠風便數聲砧

岸草連荒色村聲樂稔年晚晴貧穫

稻閒却採菱船

古來多思客搖落恨江潭今日秋風

至蕭疎過河南

兵火有餘燼貧村纔數家無人爭曉

渡殘月下寒沙

渚禽菱芡足不向稻梁爭靜宿深灣

月應無失侶聲

景夕殘霞落秋寒細雨晴短纓何用

濯舟在月中行
靜看秋江水風微浪漸平人間馳競
處塵土自波成
咫尺愁風雨匡廬不可登
疑雲霧窟猶有六朝僧
秋寒鷹隼健逐雀下雲空知是江湖
客無心擊寒鴻
幽懷念烟水長恨隔龍沙今日滕王

閣分明見落霞
江流何渺渺懷古獨依依漁父非賢
者蘆中但有磯
遠謫歲時晏暮江風雨寒仍愁繫舟
處驚夢近長灘

韋應物

秋夜寄丘二十二員外

懷君屬秋夜散步詠涼天山空松子

品彙五經卷之四
落幽人應未眠

同德閣期元侍御不至

庭樹忽已暗故人那
不來祇應厭煩暑
永日坐霜臺

西郊期滌武不至書示

山高鳴過雨澗樹落
殘花非關春不待
當由期自賒劉云鍾情而語更達

寄盧陟

桺葉遍寒塘曉霜凝
高閣累日此雷連
別來成寂寞劉云題寄盧陟如是此種風氣亦復可誦

宿永陽寄璨律師

遙知郡齋夜凍雪封
松竹時有山僧來
懸燈獨自宿劉云蘇州用意常在

然處自

懷瑯琊深標二釋子

白雲埋大壑陰崖滴
夜泉應居西石

室月照山蒼然

同褒子秋齋獨宿

山月皎如燭，霜風時動竹。夜半鳥驚棲，窻間人獨宿。

閨門懷古

獨鳥下高樹，遙知吳苑園。淒涼千古事，日暮倚閨門。

西樓

高閣一長望，故園何日歸。烟塵擁函谷，秋鴈過來稀。

登樓

茲樓日登眺，流歲暗蹉跎。坐厭淮南守，秋山紅樹多。

聞鴈

故園眇何處，歸思方悠哉。淮南秋雨夜，高齋聞鴈來。

劉語云更不

詠聲

萬物自生聽太空恒寂寥還從靜中
起却向靜中消劉云其姿近道語此漸超

聽江笛送陸侍御

遠聽江上笛臨觴一送君還愁獨宿
夜更向郡齋聞

皇甫冉

婕妤怨

花枝出建章鳳管發昭陽借問承恩
者雙蛾幾許長

秋怨

長信多秋色昭陽借月華那看閉永
巷聞道選良家

同諸公有懷

舊國迷江樹他鄉近海門移家南渡
久童稚解方言

山館

山館長寂寂閒雲朝夕來空庭復何
有落日照青苔

送王翁信還剡中舊居

海岸畊殘雪溪沙釣夕陽家中何所
有春草漸看長

賦長道一絕送陸邃潛夫有序不錄

高山迥欲登遠水深難渡杳杳復漫

漫行人別家去

賦得送客一絕送陸鴻漸赴越

有序不錄

行隨新樹深夢隔重江遠迢遞風日
間蒼茫洲渚晚

和王給事維禁掖梨花詠

巧解迎人笑偏能亂蝶飛春風時入
戶幾片落朝衣

同李三月夜作

霜風驚渡鴈，月露皓踈林。
處處砧聲發，星河秋夜深。

五言絕句卷之四

唐詩品彙四十一

五言絕句卷之五

唐詩品彙四十二

新寧 高棟 編次

接武

皇甫曾

送王司直

西塞雲山遠，東風道路長。
人心勝潮水，相送過潯陽。

山下泉

五言絕句卷之五

漾漾帶山光澄澄倒木景那知石上
喧却憶山中靜

劉方平

採蓮曲

落日清江裏荆歌艷楚腰採蓮從小
慣十五即乘潮

長信宮

夢裏君王近宮中河漢高秋風能再

執團扇不辭勞

朱放

銅雀妓

恨唱歌聲咽愁翻舞袖遲西陵日欲
暮是妾斷腸時

題竹林寺

歲月人間促烟霞此地多慙慙竹林
寺更得幾回過

五絕

木

李嘉祐

春日歸家

自覺勞_ラ鄉夢_ム無人見_レ客心_ハ空餘_ニ庭草_ニ
色_ハ日日_ニ伴_ニ愁襟_ニ

白鷺

江南綠水多_シ顧影_ヲ逗_レ輕波_ヲ終日_ニ秦雲_ニ
裏山高_ク柰_ク若_ク何_シ

張起

春情

畫閣餘寒在_リ新年舊燕歸_ル梅花猶帶_ク
雪_ヲ未得_テ試_ム春衣_ヲ

郎士元

山中即事

入_レ谷多_ク春興乘_リ舟_ヲ棹_ス碧_き潯_ニ山雲昨夜_ニ
雨溪水曉來深_ク

韓翃

漢宮曲二首

駿馬綉障泥紅塵撲四蹄歸時何太
晚日照杏花西
繡幙珊瑚鈎春關翡翠樓深情不肯
道嬌倚鈿篋

耿漳

長門怨

聞道昭陽燕嘯蛾落葉中清歌逐寒

月遙夜入深宮

秋日

返照入閭巷憂來誰共語古道少人
行秋風動禾黍

秋夜

高秋夜分後遠客鴈來時寂寂重門
掩無人問所思

盧綸

和張僕射塞下曲六首

鷲翎金僕姑，燕尾繡螭弧。
獨立揚新令，千營共一呼。

林暗草驚風，將軍夜引弓。
平明尋白羽，沒在石稜中。

月黑鴈飛高，單于遠遁逃。
欲將輕騎逐，大雪滿弓刀。

野曠蔽瓊筵，羌戎賀勞旋。
醉和金甲舞，醉殺朔風天。

舞雷鼓動山川

調箭又呼鷹，俱聞出世能。
奔狐將迸雉，掃盡古丘陵。

亭亭七葉貴，蕩蕩一隅清。
他日題麟閣，唯應獨不名。

長門怨

空宮古廊殿，寒月落斜輝。
卧聽未央曲，滿箱歌舞衣。

李端

拜新月

開簾見新月，即便下階拜。
細語人不聞，北風吹裙帶。

蕪城懷古

風吹城上樹，草沒城邊路。
城裏月明時，精靈自來去。

送人下第

獻策未得意，馳車東出秦。
暮年千里客，落日萬家春。

晦日遊曲江

晦日同攜手，臨流一望春。
可憐楊柳陌，愁殺故鄉人。

溪行逢雨與柳仲庸

日落衆山昏，蕭蕭暮雨繁。
那堪兩處宿，共聽一聲猿。

鳴箏

鳴箏金粟柱素手玉房前欲得周郎顧時時誤拂絃

司空曙

金陵懷古

輦路江楓暗宮庭野草春傷心庾開府老作北朝臣

玩花與衛象同醉英華作衛長林

衰鬢千莖雪他鄉一樹花今朝與君醉忘却在長沙

寒塘

曉髮梳臨水寒塘坐見秋鄉心正無限一鴈渡南樓

晚思

蛩吟窻下月草濕階前露晚景淒我衣秋風入庭樹

別張讚

今日山晴後殘蟬菊發時登樓見秋色何處最相思

別盧秦卿

知有前期在難分此夜中無將故人酒不及石尤風

打頭逆風也唐人詩多好用之陳子昂入峽苦風詩云故鄉今日友歡會坐應同寧知巴峽路辛苦石尤風戴叔倫送裴明府云知君未得去慚愧

石尤風司空文明又云不及石尤風計南朝篇詠必多用之未暇億也

張繼

長相思

遼陽望河縣白首無由見海上珊瑚枝年年寄春燕

顧況

憶番陽舊遊

悠悠南國思夜向江南泊楚客斷腸

品彙五絕卷之五

品彙五經卷之五
時月明楓子落

丘丹

荅韋蘇州

露滴梧葉鳴秋風桂花發中有學仙人吹簫弄山月

聽江笛送陸侍御

離樽聞夜笛窈窕亮入寒城月落車馬散悽惻主人情

戎昱

別離作一作戴叔倫詩

手把杏花枝未曾別離黃昏掩門後寂寞心自知

暢當

別盧綸

故交君獨在又欲與君離我有新愁淚非關秋氣悲

品彙五經卷之五

雀一
作鵲

登鶴雀樓

回臨飛鳥上高出世塵間天勢圍平野河流入斷山

宿潭上

夜潭有仙舸與月當水中佳賓愛明月遊子驚秋風

李益

鷓鴣詞

湘江斑竹枝錦翅鷓鴣飛處處湘雲合郎從何處歸

幽州

征戍在桑乾年年薊水寒慙慙驛西路此去向長安

代人乞花

綉戶朝眠起開簾滿地花春風解人意吹落妾西家

品彙五絕卷之五

感懷

張問氣集作

調與時人背心將靜者論終年帝城裏不識五侯門

贈盧綸

世故中年別餘生此會同却將悲與病獨對朗陵翁

盧和詩

戚戚一西東十年今始同可憐風雨

夜相對兩衰翁

容齋隨筆云二詩讀之使人悽然皆奇作也

戴叔倫

關山月

月出照關山秋風人未還清光無遠近鄉淚半書間

容州回一首送陸三

西南積水遠老病喜生歸此地故人別空餘淚滿衣

三閭廟一作儲光羲詩

沅湘流不盡屈子怨何深日暮秋風起蕭蕭楓樹林

遊道林寺

佳山路不遠俗侶到常稀及此烟霞暮相看復欲歸

贈李山人唐

此意無所欲閉門風景遲柳條將白

髮相對共垂絲

夏夜江樓會別

不作十日別煩君此相雷雨餘江上月好醉竹間樓

柳談

江行

繁陰乍隱舟落葉初飛浦蕭蕭楚客帆日暮寒江雨

揚子途中

楚塞望蒼然寒林古戍邊
秋風人渡水落日鴈飛天

劉商

古意

達曙寢衣冷開門霜雪凝
風吹昨夜淚一片枕前冰

登相國寺閣

晴日登臨好春風各望家
垂楊夾城路客思逐楊花

雍裕之

自君之出矣

自君之出矣寶鏡為誰明
思君如隴水長聞嗚咽聲

楊衡

題花樹

都無看花意，偶到樹邊來。劉須溪云：來得慘淡。

可憐枝上色，一一為愁開。

張仲素

宮中樂

月彩浮鸞殿，砧聲隔鳳樓。笙歌臨水檻，紅燭乍迎秋。

春江曲

搖漾越江春，相將採白蘋。歸時不覺

夜出浦，月隨人。

春閨

裊裊城邊柳，青青陌上桑。提籠忘採葉，昨夜夢漁陽。

令狐楚

宮中樂三首

月上宮花靜，烟含苑樹深。銀臺門已閉，仙漏夜沈沈。

占算五經卷之五
九重青瑣闥百尺碧雲樓明月秋風
夜珠簾上玉鈎

楚塞金陵靖巴山玉壘空萬方無一
事端拱大明宮

從軍行二首

孤心眠夜雪滿眼是胡沙萬里猶防
塞三年不見家

胡風千里驚漢月五更明縱有還家

夢猶聞出塞聲

思君恩二首

小苑鶯歌歇長門蝶舞多眼看春又
去翠輦不曾過

紫禁香如霧青天月似霜雲韶何處
奏只是在昭陽

長相思

幾度春眠覺紗窗曉望迷朦朦殘夢

五

五

品彙五絕卷之五
裏猶自在遼西

遊春詞

閭闔春風起蓬萊臘雪消相將折楊柳爭取最長條

于鵠

古挽歌

陰風吹黃蒿挽歌渡秋水車馬却歸城孤墳明月裏

五言絕句卷之五
唐詩品彙四十二

五言絕句卷之六

唐詩品彙

三十四

新寧 高棟 編次

接武下

韓愈

青青水中蒲三首

青青水中蒲下有一雙魚君今上隴去我在與誰居

青青水中蒲長在水中居寄語浮萍

品彙五絕卷之六

品彙五絕

草相隨我不如
青青水中蒲葉短
不出水婦人不下
堂行子在萬里

把酒

擾擾馳名者誰能一日閒
我來無伴
侶把酒對南山

贈同遊

喚起窻全曙
催歸日未西
無心花裏

鳥更與盡情啼

北樓

郡樓乘曉上
盡日不能回
晚色將秋
至長風送月來

花島

蜂蝶去紛紛
香風隔岸聞
欲知花島
處水上覓紅雲

柳宗元

江雪

千山鳥飛絕，萬徑人蹤滅。孤舟蓑笠翁，獨釣寒江雪。

劉云得天趣，獨由落句五字道盡矣。

登柳州峨山

荒山秋日午，獨上意悠悠。如何望鄉處，西北是融州。

劉云漸近自然。

零陵早春

問春從此去，幾日到秦原。憑寄還鄉

夢，慙入故園。劉云皆自精切。

長沙驛前南樓感舊。公自注云昔與德公

別於此海鶴指德公。

海鶴一為別，存亡三十秋。今來數行

淚，獨上驛南樓。

入黃溪聞猿州。在永

溪路千里曲，哀猿何處鳴。孤臣淚已盡，虛作斷腸聲。

尚書五經卷之六

再上湘江

好在湘江水，今朝又上來。不知從此去，更遣幾年回。

劉禹錫

古調

軒后初冠冕，前旒為蔽明。安知從複道，然後見人情。

秋風引

何處秋風至，蕭蕭送鴈群。朝來入庭樹，孤客最先聞。

視刀鏢歌

常恨言語淺，不如人意深。今朝兩相視，脉脉萬重心。

九日登高

世路山河險，君門烟霧深。年年上高處，未省不傷心。

其棠館

公館似仙家，池清竹徑斜。山禽忽驚起，衝落半巖花。

別蘇州

流水昌門外，秋風吹柳條。從來送客處，今日自魂銷。

飲酒看牡丹

今日花前飲，甘心醉數杯。但愁花有

語不為老人開上カ

經檀道濟故壘

萬里長城境，荒營野草秋。秣陵多士女，猶唱白符鳩。南史云當時人歌曰可憐白符鳩枉殺檀

州江

權德輿

玉臺體三首

秋風一夜至，吹盡後庭花。莫作經時

品彙五絕卷之六

四

別西隣是宋家

昨夜裙帶解，今朝蟬子飛。
鉛華不可棄，莫是藁砧歸。

萬里人行至深閨，夜未眠，雙眉燈下掃，不待鏡臺前。

嶺上逢久別者，又別。

十年曾一別，征旆此相逢。
馬首向何處，夕陽千萬峯。

江行晚詠

古樹夕陽盡，空江暮靄收。
寂寞扣舷坐，獨生千載愁。

江行夜詠

猿聲到枕上，愁夢紛難理。
寂寂深夜寒，清霜落秋水。

曉

曉風搖五兩，殘月映石壁。
稍稍曙光

開片帆在空碧

張籍

野田

漠漠野田草草中牛羊道古墓無子
孫白楊不得老劉頌溪云賴性

岸花

可憐岸邊樹紅蕙發青條東風吹渡
冰衝著木蘭橈劉云好不與

涇州塞

行到涇州塞唯聞羌戍聲道邊雙古
埃猶記向安西

寄西峯僧

松暗水涓涓夜涼人未眠西峯月猶
在遙憶草堂前

題暉禪師影堂

早日欲參禪竟無相識緣道場今獨

到惆悵影堂前

梅溪

自愛新梅好行尋一徑斜不教人掃
石恐損落來花

宿雲亭

清淨當深處虛明向遠開捲簾無俗
客應只見雲來

王建

故行宮

一作元稹詩

寥落古行宮宮花寂寞紅白頭宮女
在閒坐說玄宗

早發汾南

橋上車馬發橋南烟樹開青山斜不
斷迢遞故鄉來

田家

啾啾雀滿樹霽霽東陂雨田家無夜

白雲五經卷之六
食水中摘禾黍

新嫁娘

三日入厨下洗手作羹湯未諳姑食性先遣小姑嘗

武元衡

夏夜作

夜久喧暫息池臺惟月明無因駐清景日出事還生劉云此語有識

途中即事

南征復北還擾擾百年間自笑紅塵裏生涯不慙閒

春日偶作

縱橫桃李枝澹蕩春風吹美人歌白紵萬恨在蛾眉

元稹

感事

錦囊五經卷之六

富貴年皆長風塵舊轉稀白頭方見
絕遙爲一沾衣

夏陽亭臨望

望遠音書絕臨行意緒長慙慙眼前
水千里到河陽

西還

悠悠洛陽夢鬱鬱灞陵樹落日正西
歸逢君又東去

白居易

閨怨詞

珠箔籠寒月紗窗背曉燈夜來巾上
淚一半是春水

問淮水

所嗟名利客擾擾在入間何事長淮
水東流亦不聞

出關路

歸漢五絕

山川函谷路塵土遊子顏蕭條去國
意秋風生故關

江樓聞砧

江南授衣晚十月始聞砧一夕高樓
上故園千里心

王涯

閨人贈遠四首

遠戍功名薄深閨羊豸傷粧成對春

樹不語淚千行

鶯啼綠樹深燕語雕梁晚不省出門
行沙場知近遠

形影一相別烟波千里分君看
處只是起行雲

花明綺陌春柳拂御溝新為報遼陽
客流光不待人

李德裕

詩集五絕卷之六

題羅浮石

清景持芳菊涼天倚茂松
名山何必去此地有群峯

嶺外守歲

冬逐更籌盡春隨斗柄迴
寒暄一夜隔容髯兩年催

李賀

京城

驅馬出門意牢落長安心
兩事向誰道自作秋風吟

代崔家送客

行蓋柳烟下馬蹄白翩翩
恐隨行處盡何忍重揚鞭

呂溫

鞏路感懷

馬嘶白日暮劍鳴秋氣來
我心渺無

印真五經卷之六

際河上空徘徊

衡州早春

病肺不飲酒傷心不看花唯驚望鄉
處猶自隔長沙

盧仝

寄外兄

何處堪惆悵情親不得親興寧樓上
月辜負酒家春

新月

仙宮雲箔卷露出玉簾鈎清光無所
贈相憶鳳凰樓

孟郊

歸信吟

淚墨洒為書將寄萬里親書去塊亦
去兀然空一身

古別離

欲別牽郎衣，郎今到何處。不恨歸來遲，莫向臨邛去。

古怨

試妾與君淚，兩處滴池水。看取芙蓉花，今年為誰死。

閨怨

妾恨比斑竹，下盤煩冤根。有笋未出土，中已含淚痕。劉云近

送柳渚

青山臨黃河，下有長安道。世上名利人，相逢不知老。

河上思歸

獨訪千里信，回臨千里河。家在吳楚鄉，淚寄東南波。

賈島

劍客

五言古詩

十年磨一劍霜又未曾試今日把似君誰有不平事

尋隱者不遇

唐音作孫華訪羊尊師

松下問童子言師採藥去只在此山中雲深不知處

裴度

溪居

門逕俯清溪茆簷古木齊紅塵飛不

到時有水禽啼

張碧

幽思

金爐烟靄微銀缸殘影滅出戶獨徘徊落花滿明月

張祐

昭君怨

萬里邊城遠千山行路難舉頭惟見

品彙五經卷之六
日何處是長安

思歸樂

萬里春歸盡，三江鴈亦稀。
連天漢水廣，孤客未言歸。

穆護砂

玉管朝朝弄，清歌日日新。
折花當驛路，寄與隴頭人。

金殿樂

入夜秋砧動，千聲起四隣。
不緣樓上月，應為隴頭人。

墻頭花

蟋蟀鳴洞房，梧桐落金井。
為君裁舞衣，天寒剪刀冷。

宮詞

故國三千里，深宮二十年。
一聲河滿子，雙淚落君前。

品彙五經卷之六

樂府解題云：河滿子，開元中滄洲歌者臨

刑進此曲以贖死竟不得免

夕次竟陵

南風吹五兩日暮竟陵城腸斷巴江月夜蟬何處聲

施肩吾

古曲

可憐江北女慣唱江南曲搖蕩木蘭舟雙鳧不成浴

幼女詞

幼女纔六歲未知巧與拙向夜在堂前學久拜新月

文宗皇帝

宮中題

太和九年誅王涯鄭元
後仇士良專權上每登
臨遊幸往往獨語左右
莫敢進問因賦此詩

輦路生秋草上林花滿枝憑高何限意無復侍臣知

品彙五絕卷之六

下三書山房

五言絕句卷之六 唐詩品彙三四十

五言絕句卷之七 唐詩品彙四十

新寧 高棟 編次

餘響

李商隱

登樂遊原

向晚意不適 驅車登古原 夕陽無限

好只是近黃昏 楊誠齋云此詩憂唐祚將衰也

悼傷後赴東蜀辟至散關遇雪

五言絕句卷之七

高棟

此集五絕卷之七
高
劍外從軍遠，無家與寄衣。
散關三尺雪，回夢舊鴛鴦機。

滯雨

滯雨長安夜，殘燈獨客愁。
故鄉雲水地，歸夢不宜秋。

早起

風露澹清晨，簾間獨起人。
鳥啼花又笑，畢竟是誰春。

杜牧

長安秋望

樓倚霜樹外，鏡天無一毫。
南山與秋色，氣勢兩相高。

歸家

稚子牽衣問，歸來何太遲。
共誰爭歲月，贏得鬢成絲。

許渾

此集五絕卷之七

塞下曲

夜戰桑乾北秦兵半不歸朝來有鄉
信猶自寄征衣

送客南歸

野寺薜蘿晚官渠楊柳春歸心已無
限更送洞庭人

長安早春懷江南

雲月有歸處故山清洛南如何一花

發春夢徧江潭

溫庭筠

碧澗驛曉思

香燈伴殘夢楚國在天涯月落子規
歇滿庭山杏花

客愁

客愁看柳色日日逐春深蕩漾春風
裏誰知歷亂心

桂州經佳人故居一作李羣玉詩

桂水依舊綠佳人今不還祗應隨暮

雨飛入九疑山

馬戴

秋思

萬木秋霖後孤山夕照餘田園無歲

計寒近憶樵漁

江中遇客

危石江中起孤雲嶺上還相逢皆得

意何處是鄉關

雍陶

春懷舊遊

吟想舊經過花時柰遠何別離長似

見春夢入關多

陳陶

續古

長沙采芳客桂棹木蘭舫日晚欲有
待徘徊春風前

項斯

江村夜泊

日落江路黑前村人語稀幾家深樹
裏一火照船歸

于武陵

高樓

遠天明月出照此誰家樓上有羅衣
裳涼風吹不休

勸酒

勸君金屈卮滿酌不須辭花發多風
雨人生足別離

長春宮

莫問古宮名古宮空古城唯應東去
水不改舊時聲

李羣玉

古詞

一合相思淚臨江灑素秋碧波如會
意却與向西流

寄韋秀才

荆臺蘭渚客寥落共含情空館相思
夜孤燈照雨聲

劉駕

牧童

牧童見客拜山菓懷中落晝日驅牛
歸前溪風雨惡

聶夷中

烏夜啼

衆鳥各歸枝烏烏爾不棲還應知妾
恨故向綠窗啼

儲嗣宗

品彙五絕

垓城

百戰未言非孤軍驚夜圍山河意氣
盡淚濺美人衣

登蕪城

昔人登此地丘壘已前悲今日又非
昔春風能幾時

于瀆

青樓曲

青樓臨大道二上一一回老所思終不
來極自傷春草

陸龜蒙

洞房怨

玉桃朝插鬢金梯晚下臺春衫將別
淚一夜兩難裁

花成子

春風等君意亦解欺桃李寫得去時

容歸來不相似

東飛鳧

裁得尺錦書欲寄東飛鳧翅短脛亦短雌雄戀菰蒲

唐彥謙

小院

小院無人夜烟斜月轉明清宵易惆悵不必有離情

羅鄴

秋別

別路悲楊柳秋風淒管絃青樓君去後明月爲誰圓

崔魯

三月晦日送客

野酌亂無巡送君兼送春明年春色至莫作未歸人

司空圖

古樂府

一葉隨西風君行亦向東知妾飛書
意無勞待早鴻

樂府

寶馬跋塵光雙馳照路傍喧傳報戚
里明日幸長楊

歲盡

莫話傷心事投春滿髮霜慙慙共尊
酒今歲只殘陽

牛頭寺

終南最佳處禪誦出青霄群木澄幽
寂疎烟泛沏寥

崔道融

班婕妤

寵極辭同輦恩深棄後宮自題秋扇

品類五絕

後不敢怨春風

銅雀妓

歌咽新翻曲香消舊賜衣
陵園風雨暗不見六龍歸

漢宮詞

獨詔胡衣出天花落殿堂
他人不敢妬垂淚向君王

長門怨

長門春欲盡明月照花枝
買得相如賦君恩不可移

春閨

寒食月明雨落花香滿
泥佳人持錦字無鴈寄遼西

歸燕

海燕頻來去西人獨滯留
天邊又相送腸斷故園秋

夜泊九江

夜泊江門外歡聲月下樓明朝歸去
路猶隔洞庭秋

韓偓

効崔國輔體三首

淡月照中庭海棠花自落獨立俯閒
階風動秋千索

羅幕生春寒綉窓愁未眠南湖夜來

雨應濕採蓮船

雨後碧苔院霜來紅葉樓閒階上斜

日鸚鵡伴人愁

武瓘唐末人或云杜荀鶴同時人為益陽令

感事

花開蝶滿枝花謝蝶還稀唯有舊巢

燕主人貧亦歸

曹鄴

庭草

庭草根自淺造化無遺功
低回一寸心不敢怨春風

薛瑩

秋日湖上

落日五湖遊烟波處處愁
浮沈千古事誰與問東流

五言絕句卷之七

唐詩品彙四十四

五言絕句卷之八

唐詩品彙四十五

新寧 高棟 編次

傍流

有姓氏無字里世次可考者五人

荆叔

題慈恩塔容齋五筆云慈恩塔有荆叔一絕字極小

而端勁最為感人其詞旨意高遠不知為何時人必唐世詩流所作也

品類五經 卷之六
漢國山河在秦陵草樹深暮雲千里
色無處不傷心

李牧

幽情

幽人惜春暮潭上折芳草佳期何時
還欲寄千里道

張元宗

元一作元

登景雲寺閣

胡馬飲河路我家從此遷今來獨垂
淚三十六峯前

潘佐

送人往宣城

江畔送行人千山生暮氛謝安團扇
上為畫敬亭雲

張顛

清溪泛舟

品類五經 卷之六

旅人倚征棹薄暮起勞歌笑攬河溪
月清輝不厭多

無姓氏三人

樂府樂府集云蓋嘉運開元年

伊州歌二首此又見沈佺期集中律詩

聞道黃花成頻年不解兵可憐閨裏

月偏照漢家營

又諸家選本以此篇作伊州歌按郭君茂倩樂府集無此篇

孰是知

打起黃鶯兒莫教枝上啼啼時驚妾

夢不得到遼西劉須溪云恨無極

際作詩從首至尾語輒聯屬如

陸州歌第三

香氣傳空滿粧花映箔紅歌聲天仗

外舞態御樓中

排遍第一

品彙五經卷之六
樹發花如錦，鶯啼柳若絲。更逢歡燕地，愁見別離時。

第三

坐對銀缸曉，停流玉筋痕。君門常不見，無處謝前恩。

西鄙人

哥舒歌

北斗七星高，哥舒夜帶刀。至今窺牧

馬不敢過臨洮。

太上隱者

峇人

偶來松樹下，高枕石頭眠。山中無曆日，寒盡不知年。

羽士一人

吳筠

題華山人所居

故人在南郭邀我對芳樽
歡暢日亦暮不知城市喧

別章叟

平昔同邑里經年不相思
今日成遠別相對心淒其

衲子五人

皎然

待山月

夜夜憶故人長教山月待
今宵故人至山月知何在

湖南蘭若

未到無爲岸空憐不繫舟
東山白雲意歲晚尚悠悠

法華寺望高峯贈如獻上人

峰色秋天見松聲靜夜聞
影孤長不在行道入深雲

酬李紆補闕

不往東山寺雲泉處處行近臣那得
識禪客本無名

靈徹

遠公墓

古墓石稜稜寒雲晚景凝空悲虎溪
月不見鴈門僧

貫休

姓姜字德遠鍾陵人蘭溪
和安寺賜紫禪月大師

月夕

霜月夜徘徊樓中羌管催曉風吹不
盡江上落殘梅

脩睦

懷故園

故園歸未得此日意何傷獨坐水邊
草水流春日長

子蘭

品彙五絕卷之八

城上吟

古塚密於草新墳侵古道城外無閒地城中人又老

宮閨

韓氏

題紅葉

詩話云盧偃舍人應舉京師偶臨御溝見一紅葉上有詩云盧得之藏於篋及宜宗有旨出官人許其從人盧獲其人觀紅葉吁怨久之曰當時偶題君乃得之

流水何太急深宮盡日閒慙慙謝紅葉好去到人間

七歲女子

武后時

送兄

唐史遺事云如意中有七歲女子能詩天后令賦別

兄詩應聲而成云

別路雲初起離亭葉正飛所嗟人異鴈不作一行歸

湘驛女子

題玉泉溪

紅葉醉秋色碧溪彈夜絃佳期不可
再風雨杳如年

侯夫人

自感

粧成多自恨夢好却成悲不及楊花
意春來到處飛

郎大家

采桑

春來南鴈歸日去西蠶遠妾思紛何
極客遊殊未返

劉采春

囉噴曲五首

不喜秦淮水生憎江上船載兒夫婿
去經歲又經年

借問東園柳枯來得幾年自無枝葉

分莫怨太陽偏

作上

莫作商人婦金釵當卜錢朝朝江口

望錯認幾人船

那年離別日只道往桐廬桐廬人不

見今得廣州書

昨日勝今日今年老去年黃河清有

日白髮黑無緣

崔氏女

明月三五夜

待月西廂下迎風戶半開拂墻花影

動疑是故人來ルカト

薛濤

春望詞

花開不同賞花落不同悲欲問相思

處花開花落時

六言附

李景伯

回波樂也郭茂倩樂府云商調於
 曲中引之世嘗因內燕羣臣皆
 歌回波樂表思還舊官而沈佺
 以罪流嶺表思還舊官而沈佺
 朱中宗佺期乃歌回波樂之自詞以見
 意中宗佺期乃歌回波樂之自詞以見
 求遷擢○唐書云景龍中宗
 燕侍臣酒酣令各為回波樂衆
 皆為誦大倭之舞及自榮位次
 至諫議大倭之舞及自榮位次
 甚有規曲調
 後為舞曲調

回波爾時酒卮微臣職在箴規侍燕
 既過三爵誼諱竊恐非儀

張說

破陳樂六言八句○樂苑曰商

宗又作小破陳樂亦舞曲也

漢兵出頓金微照日明光鐵衣百里
 火幡焰焰千行雲騎駢駢蹙踏遼河
 自竭鼓譟燕山可飛正屬四方朝賀

端知萬舞皇威

王維

田園樂五首

採菱渡頭風急策杖村西日斜杏樹
壇邊漁父桃花源裏人家
淒淒芳草春綠落落長松夏寒牛羊
自歸村巷童稚不識衣冠
山下孤烟遠村天邊獨樹高原一瓢

顏回陋巷五柳先生對門

酌酒會臨泉水把琴好倚長松南園
露葵朝折西舍黃梁夜春

桃紅復含宿雨柳綠更帶朝烟花落
家僮未掃鳥啼山客猶眠

綠花落鳥啼之句令人坐想
川之勝此老傲睨閑適於其間

劉長卿

尋張逸人山居

危石纔通鳥道空山更有人家桃源
定在深處澗水浮來落花

送陸澧還吳中

瓜步寒潮送客楊柳暮雨沾衣故山
南望何處秋草連天獨歸

發越州赴潤州使院留別鮑侍

御

對水看山別離孤舟日暮行遲江北

江南春草獨向金陵去時

茗溪洲梁耿別後見寄六句

清川永路何極落日孤舟解攜鳥向
平蕪遠近人隨流水東西白雲千里
萬里明月前溪後溪惆悵長沙謫去
江潭芳草萋萋

張繼

奉寄皇甫補闕冉

京口情人別久揚州估客來疎漸至
潯陽回去相思何處通書

皇甫冉

送鄭二之茅山

水流絕澗終日草長深山暮春大吠
鷄鳴幾處條桑種杏何人

小江懷靈一上人

江上年年春草津頭日日人行借問

山陰遠近猶聞薄暮鐘聲

問李二司直所居雲山

門外水流何處天邊樹遶誰家山色

東西多少朝朝幾度雲遮洪容齋三筆云皇甫

冉集中所載張繼奉寄六言詩一
首冉酬之而序曰懿孫予之舊好
祇役武昌有六言詩見憶今以七
言裁答蓋拙於事者繁而費冉之
意以六言難工故衍為七言答之
然自又有小江懷靈一上人等三
篇皆清絕句得七言七千五百

五言二千五百首合為萬首
六言不滿四十信乎其難也

韓翃

宿甌山

山中今夜何人門下當年近臣青瑣
應須早去白雲何用相親

別甌山

一身趨侍丹墀西路翩翩去時惆悵
青山綠水何年更是來期

送陳明府赴淮南六言八句

年華近過清明落日微風送行黃鳥
綿蠻芳樹紫驪躑躅東城花間一盃
促膝烟外千里含情應渡淮南信宿
諸侯擁旆相迎

盧綸

送萬臣六言八句

把酒留君聽琴誰堪歲暮離心
相葉

中興五絕卷之六 十四

無風自落秋雲不雨空陰人秋荒村
路細馬怯寒溪水深望盡青山獨立
更知何處相尋

顧況

歸山

心事數莖白髮生涯一片青山空林
有雪相待古道無人獨還

王建

宮中三臺

池北池南草綠殿前殿後花紅天子
千秋萬歲未央明月清風

江南三臺

青草湖邊草色飛猿嶺上猿聲萬里
湘江客到有風有雨人行

劉禹錫

荅樂天臨都驛見贈

北固山邊波浪東，都城裏風塵世事不同。心事新人何似故人。

周賀

送李億東歸

六言八句

黃山遠隔秦樹紫，禁斜通渭城別路。青青柳發前溪漠漠花生和風澹蕩，歸客落日慙慙早鷺灞上金罇未飲，讌歌已有餘聲。

五言絕句卷之八唐詩品彙四十五終

享保十八年癸丑八月日

江戸書肆

須原屋新兵衛梓行

芙蓉館

